

22

23. febr.

8. gr.
Skatttekjur samkvæmt reglugerð þessari renna í hreppssjóð, en féð skal þó varðveita í sérstökum sjóði, er hreppsnefnd stjórnar.

Skulu reikningar sjóðsins fylgja sveitarsjóðsreikningum, og endurskoðast og úrskurðast með þeim.

Fé sjóðsins skal verja til hvers konar menningarstarfsemi í Selfosshreppi svo sem til styrktar heilbrigðri félagsstarfsemi í hreppnum, og til styrktar íþróttalífi og listum.

9. gr.

Brot gegn reglugerð þessari varða sektum, allt að kr. 1000.00 — eitt þúsund krónum. —

Mál, sem rísa kunna út af reglugerð þessari, skal fara með sem opinber mál.

10. gr.

Reglugerð þessi, sem sett er skv. heimild í lögum nr. 34/1918, öðlast þegar gildi.

Í menntamálaráðuneytinu, 23. febrúar 1959.

F. h. r.

Birgir Thorlacius.

Ásgeir Pétursson.

23

5. marz

SAMÞYKKT

um breyting á fiskveiðasamþykkt fyrir Vestmannaeyjar nr. 15 18. febr. 1958.

1. gr.

2. gr. 1. mgr. samþykktarinnar orðist svo:

Frá 1. janúar til 1. apríl, að báðum dögum meðtöldum, má eigi fara til fiskjar með línu seinna að degi en til kl. 8 fyrir hádegi.

2. gr. 2. mgr. orðist svo:

Frá 1. janúar til 31. janúar má eigi fara til fiskjar með línu, fyrr en kl. 2 f. h. og frá 1. febrúar til 28. febrúar kl. 1 f. h. og frá 1. marz til 15. apríl kl. 24 e. h., og skal farið eftir sólar- eða meðaltíma. Ofangreint er miðað við að báðir dagar séu meðtaldir. Greinin helzt óbreytt að öðru leyti.

2. gr.

3. gr. samþykktarinnar orðist svo:

Nefnd sú, sem kosin er samkv. 5. grein hér á eftir, lætur gefa merki (ljósmerki) úr landi, þegar tíminn er kominn. Öllum bátum er heimilt að fara út á Vik eða inn fyrir Eiði. Sömuleiðis er þeim bátum, er róa ætla á miðin austan Dyrhólaeyjar, heimilt að fara austur að Dyrhólaey. Bátum þeim, sem róa austur í Meðallandsbugt, er heimilt að fara austur að Alviðruhamravita og bíða róðrarmerkis þar. Merki þetta skal gefið á sama hátt og við Dyrhólaey. Bátum þessum er skylt að fara minnst 15 sjómílar austur fyrir Alviðruhamravita, áður en þeir byrja að leggja. En þar til ljósmerkið er gefið, skulu allir halda sig innan takmarka þeirra, er hér segir:

Þeir, sem eru á Vikinni, mega ekki fara utar en í línu, sem ákveðin er með þrem gulum ljósum. Ljós þessi eru sett upp ofanvert við Helli á Urðum, þannig að þau mynda beina línu í Klettsnef, þegar þau bera saman.

Þeir, sem fara inn fyrir Eiði, mega ekki fara vestar en að tvö gul ljós, ofarlega og vestarlega í bænum, beri saman, og ekki norðar en miðið Brekaflá á Bjarnarey í Faxasker að norðan. Og þeir, sem eru austur við Dyrhólaey mega ekki fara austar en að Dyrhólaeyjarviti miðist í misvisandi NA og skulu þeir halda sig innan við 45 faðma dýpi. 23 5. marz

Þeir, sem fara austur að Alviðruhamravita, mega ekki fara austar en, að Alviðruhamraviti miðist í norður eftir kompás og ekki dýpra en á 60 faðma dýpi. Út fyrir þessar línur má enginn bátur fara, fyrr en tímamerkið er gefið, og telst það fullt brot á samþykktinni, ef nokkur bátur fer að einhverju leyti út fyrir tilteknar línur. Eftirlitsbátar skulu dreifa sér á ofangreindar línur, svo að þeir geti sem bezt fylgt með því, að ákvæðum fiskveiðisamþykktarinnar sé fylgt, og leyfist þeim að sjálf-sögðu að fara út fyrir línu til eftirlits.

Á leiðinni út og inn í höfnina, má enginn bátur fara með meiri ferð en svo, að hann láti vel að stjórn.

Smábátar (trillubátar) mega þó ekki fara út fyrir hafnargarða, fyrr en tíma-merkið hefur verið gefið.

Bátar þeir, sem ætla að sækja austur fyrir Dyrhólaey, mega alls ekki leggja línu sína vestan við Dyrhólaey, nema í þeim tilfellum, að veður hamli fiskveiðum austan Dyrhólaeyjar. En þá skulu þeir í öllum tilfellum bíða báta þeirra, sem hafa farið eftir tímamerki á Víkinni og sameinast þeim, áður en þeir fara að leggja.

Bátar þeir, sem róa austur í Meðallandsbugt, mega alls ekki leggja línu sína vestan áðurgreindra marka, nema í þeim tilfellum, að veður hamli veiðum í Meðal-landsbugt, en þá skulu þeir í öllum tilfellum bíða báta þeirra, sem hafa róið frá Dyrhólaey eða af Víkinni og sameinast þeim, áður en þeir byrja að leggja.

Samþykkt þessi, sem bæjarráð Vestmannaeyjakaupstaðar hefur gert samkvæmt lögum nr. 86 14. nóv. 1917 og síðari breytingum á þeim, staðfestist hér með til að öðlast gildi þegar í stað og birtist til eftirbreytni öllum, sem hlut eiga að máli.

Sjávarútvegsmálaráðuneytið, 5. marz 1959.

Emil Jónsson.

Gunnlaugur E. Briem.

REGLUGERÐ

um barnavernd á Blönduósi.

24

5. marz

1. gr.

Í umdæmi barnaverndarnefndar (skólanefndar) Blönduósskaupþúns er börnum yngri en 12 ára bannað að vera á almannaferi, eftir klukkan 20 að kvöldi, á tímabilinu frá 15. október til 15. apríl, og eftir klukkan 22 frá 15. apríl til 15. október, nema í fylgd forráðamanna eða fullorðinna, er falin hefur verið umsjá þeirra.

Börn á aldrinum 12—14 ára mega ekki vera á almannaferi eftir klukkan 22 að kvöldi, á tímabilinu frá 15. október til 1. apríl, og ekki eftir klukkan 23 á tímabilinu frá 1. apríl til 15. október, nema í fylgd foreldra sinna eða forráðamanna. Foreldrum eða forráðamönnum barnanna ber að viðlagðri ábyrgð, að sjá um, að ákvæðum þess-um sé framfylgt.

2. gr.

Unglingum innan 16 ára aldurs eru bannaðar ferðir út í skip, sem liggja við bryggju eða á höfninni, nema í fylgd forráðamanna.